



UNIVERSITÄTS-
BIBLIOTHEK
PADERBORN

Universitätsbibliothek Paderborn

Außlegung der Episteln vnd Euangelien: von Ostern bis auff das Aduent

Luther, Martin

Wittemberg, 1547

VD16 L 5614

9 Vnterscheid rechter vnd falscher Kirchen oder heiligen.

urn:nbn:de:hbz:466:1-37032

Wo es nu dir dazu kompt/ das du solches fülest (Denn es thut hie nicht/ das man es mit brustschlahen vnd mit eigenen wercken/ hieraus zwingen wolle/ Sondern es kompt wol selbs/ so dich das Gesetz rechte triffe/ das wird dich wol leren/ brustschlahen vnd demütigen) Wo du nu hie (sage ich) nicht mehr kants/ denn also sagen/ O ich bin ein Sünder/ so bistu verloren/ Denn die zehen Gebot treiben vnd stossen dich schlecht zur Helle/ das dein hertz mus sagen/ Du seiest des Teufels/ vnd Gott wolle dein nicht/ vnd ansehest fur im zu stiechen/ vnd lieffest wol/ wenn du kündtest/ durch hundert Welt/ das du nur entfliehen möchtest.

Hie ist zeit/ das du in solcher flucht vnd schrecken den lauff brechest/ dich wendest vnd sagest/ Das leret mich mein liebes Euangelium/ vnd der frome Zölnier/ das dis fur Gott die höchste weisheit ist/ wissen vnd glauben/ das er also gesinnet ist/ vnd ein solch Reich durch Christum gestiftet/ das er wil gnedig sein vnd helfen/ den armen verdampten Sündern. Vnd also die zwey aneinander knüpfest in ein Wort vnd bekentnis/ Ich bin ja ein Sünder/ Aber doch ist mir Gott gnedig/ Ich bin Gottes kind/ aber er ist nu mein freund/ Willich würde ich verdampft/ aber doch weis ich/ das er mich nicht wil verdammen/ sondern selig vnd einen Erben im Himmel haben. Ja/ das wil er/ vnd hat mir es lassen predigen/ vnd befolhen zu glauben/ vmb seines lieben Sons willen/ den er fur mich gegeben.

Sihe/ also hastu an diesem Zölnier ein schön Exempel/ der rechten Christlichen buse vnd Glaubens/ vnd ein trefflich Meisterstück der hohen geistlichen weisheit oder Theologia/ davon der Pharisier/ vnd was seines gleichen ist/ nie keinen schmack noch ruchen pfangen haben. Zu dem/ sibest du die rechten fruchte/ die da dem Glauben folgen/ das er nu ein ander Mensch/ ander sinne/ gedanken/ rede vnd werck setzet/ denn zuvor/ Gibt Gott allein ehre vnd preis/ seiner götlichen gnade/ Küffer vnd betet in an von hertzen/ vnd in rechten vertrauen auff sein Wort vnd zusage/ Sonst hette er diese wort weder denken noch beten können/

Vnd also im rechten angenehmen Gottes dienste leistet/ vnd den rechten Sabbath helet.

So hat er nu auch ein solch hertz/ das der sünden vnd vngheorsam sein ist/ freuet sich nicht der selben/ sondern ist im leid/ das er wider Gottes Gebot gelebt/ vnd nu mit ernst vnd ganzem hertzen trachtet davon ab zu lassen/ niemand mehr zu beleidigen/ betriegen/ beliegen/ noch vnrecht oder gewalt thun/ Wolt gerne/ das auch jederman also lebte.

Dies ist das gemelde dieses Evangelij/ der zweierley Leute/ vnter denen/ die da Gottes Volk heißen/ welcher eines ist die große Rotte der falschen Kirchen/ die doch den schein vnd namen führen/ als seien sie allein die fromsten vnd heiligsten Gottes Diener/ Das ander das kleine heufflin/ dere/ die da rechtschaffen Glieder der Kirchen/ vnd warhafftige Gottes kinder sind/ ob sie wol nicht den rhum vnd grosses ansehen fur der Welt haben. Was nu zwischen denen fur vnterscheid sey/ dadurch jeder teil zu kennen/ an seinen eigenschafften vnd fruchten/ damit man den schein vnd namen von rechtschaffenem wesen sondern möge/ das hastu gnug gehöret.

Darumb sihe nu fort/ das du auch diesem Zölnier rechte folgest/ vnd im gleich werdest/ Nämlich/ Zum ersten/ das du nicht ein falscher/ sondern ein rechter Sünder seiest/ das ist/ nicht mit worten allein/ sondern im grund vnd von ganzem hertzen dich fur Gott/ seines zorns vnd ewiger verdammis schuldig erkennest/ Vnd also mit warheit dis Wort (Mir armen Sünder) fur in bringest/ Aber in dem selben flugs auch das ander wort (Sey mir gnedig) ergreiffest/ damit du dem Gesetz seine spitze vnd scherffe können stumpff machen/ das ist/ das vrtail der verdammis/ so die zehen Gebot auff dich treiben wollen/ von dir wenden vnd leren.

So kantsu denn aus dieser vnterscheid zwischen zweierley Sündern/ zu beiden seiten solch richtig vrtail fassen/ Gott ist wol vngnedig vnd seind den Sündern/ ja denen/ die da nicht wollen y iij Sünder

Wilde der rechten vnd falschen Kirchen.

Wie man des Zölners Exempel folgen sol.

Unterscheid welche Sünden dem Gott gnedig ist/ oder nicht.

Exempel der hohen Theologia/ andern Zölnier.

Exempel der fruchte des Glaubens.

Auslegung des Euangelij/

Sünder sein / das ist/ die sich nicht für Gottes zorn fürchten / sondern noch sicher hingehen/ vnd wollen vngestrafet sein. Widerumb wil Gott gnedig sein den armen Sündern/ die da ihre sünden fülen/ vnd sich selbst für Gottes Gericht verdampt klagen vnd bekennen.

Orteil des Zorns gehet allein vber die/ so da nicht wollen Sündet sein.

Also/ das sichs alhie gar vmbkeret/ auch nach Gottes Wort vnd vrtail/ nach dem die personen sind/ Das die zehen Gebot diese Glosa gewinnen/ vnd mit irem vrtail gehen/ vber die/ so da wollen heilig/ oder je nicht Sünder gescholten sein/ vnd nicht denken/ das sie solch vrtail treffe/ Das Euangelium aber vnd vrtail der Gnaden vnd trostes/ gehe vber die/ so in schrecken vnd fürcht des Zorns ligen.

Der Zölnet leret dich von sünden ablassen.

Zum andern/ mustu auch dem Zölnet in diesem gleich sein / das du hinfurt von sünden lassst / Denn es wird nicht von ihm gesagt/ das er also blieben sey/ wie er zuvor war/ sondern hingegangen/ vnd die Gnade heimgebracht/ das in Gott gerecht gesprochen / Wie der Text sagt / Dieser gieng gerecht hinab in sein Haus etc. Diese wort bringen nicht mit/ das er in sünden blieben/ wie er denn auch nicht darumb in den Tempel gegangen vnd gebetet / Denn wer also bleiben wil / der kan nicht vmb gnad vnd vergebung bitten/ Sondern wer da also betet / der wünschet vnd begeret gerecht/ vnd der sünden gar los zu werden.

Das mustu auch wissen / damit du dich nicht selbst betriegest/ Denn es sind viel/ die allein das ansehen/ das der Zölnet/ als ein Sünder/ gnade vnd verge-

bung empfehet / denken aber nicht/ das Gott haben wil / das sie der sünden vergeffen/ vnd hinfurt die gegebene gnade in ihnen müsse krefftig sein/ Wollens also verstehen/ als wolle Gott die Sünder also gerecht vnd selig machen/ das sie doch in sünden vnd vngerechtigkeit bleiben.

Darumb ist hie zu beiden seiten noch den Christen / wider den Teufel vnd iren eigen Fleisch zu kempffen/ Denn so sie anfahen buße zu thun / vnd nu gerne wollen ander Leute werden/ Da fülen sie erst den Teufel/ wie sich der Teufel hindert vnd wehret/ das sie nicht sollen fortfaren / sondern in der alten hant bleiben etc. Widerumb/ wenn sie das nicht hindern kan/ vnd dem Teufel zu wider / zu Gott sich keren/ vnd in anrufen / so sichtet er sie an mit Kleinmütigkeit vnd blödigkeit. Dort machet er die sünden all zu gering / setzet sie all zu weit aus des Menschen augen vnd herzen/ das man sie verachtet/ vnd der gnade nicht begeret / oder je die buße verzeucht. Hie machet er sie dagegen all zu gros/ das er auch aus einem sünden ein feur kan auffblasen / grösser denn Himel vnd Erden/ Das man abermal schwerlich die vergebung ergreifen/ noch dis Wort/ Gott sey mir gnedig/ vber das herz bringen kan/ Das es wol ist vnd bleibt ein hohe Kunst / vnd wir diesen Zölnet mit seinem Exempel wol müssen für vnsern Meister vnd Doctor halten/ vnd von ihm lernen / vnd Gott anrufen/ das wir auch mögen das ziel erreichen.

